Scrittori

A notte sorge per sfiurà a to scrittura È à lucendiluna cù l'estru vagabondu A to piuma lesta custruisce un mondu In l'andatu paisanu di a vechja cultura

Sempre porti a to petra à l'edifiziu Sintinella fiera d'esse di issu paese U versu indomitu eppò e mani tese Conti una storia spruvista d'artifiziu

Pueta di dumane, d'oghje è di prima Ti vogliu ringrazià è dì ti la mio stima Inalzà ogni mente versu l'alta cima Chì porti u to core in punta di rima

Ricusi ogni gabbia di legge inghjusta Sempre arrittu è prontu à difende L'anima altiera chì mai ùn s'arrende Manteni accesa a più nobile brusta

Umile, presente di pettu à u timore Lasciendu a to mente corre à briglia sciolta Scrivi a lettera d'oru, a pace è a rivolta È per l'eternità a to rima mai ùn more

Pueta di dumane, d'oghje è di prima Ti vogliu ringrazià è dì ti la mio stima Inalzà ogni mente versu l'alta cima Chì porti u to core in punta di rima

Pueta di dumane, d'oghje è di prima Ti vogliu ringrazià è dì ti la mio stima Inalzà ogni mente versu l'alta cima Chì porti u to core in punta di rima

G.F. Terrazzoni

F. Santucci